

## 中學廣播劇 4 《調音》

### track 1

**【音樂會現場聲效。請同學讀出廣播】**【觀眾席，幾個同學剛看完音樂會的上半場。中場休息期間廣播：「下半場音樂會仲有三分鐘就開始……」】

朱同學：好彩買咗飛嚟聽啫，啲曲都幾好聽……喂，仲去唔去 toilet？

陳同學：我唔去喇，你哋兩個去啦。我驚排得隊嚟會 miss 咗佢哋調音個環節。

黃同學：調音？調音有咩好睇啊？

朱同學：咪係！調音咪就係成班人係咁奏同一個音！

陳同學：準確啲咁講，係大家奏住個 A 音咁校音。

**【對講機發出聲音的聲效，是一個帶位叔叔俟了過來】**

Perfect Pitch：冇咁簡單！你哋留意吓，調音都講次序添㗎，咩樂器帶頭吹，點解係佢帶頭吹，跟住又會係咩樂器，都好講究㗎。

朱同學：帶位叔叔，你成日喺度守住，你一定清楚過我哋啦！

Perfect Pitch：我就同你哋呢個同學仔一樣，好鍾意睇佢哋調音，管弦樂團多數係先由雙簧管吹第一個音，你睇你睇，佢哋開始喇——

### track 2

**【雙簧管音效出】**

黃同學：點解要係雙簧管嘅？

陳同學：可能因為雙簧管嘅音準比較穩定，音色又響亮一啲，易啲比畀其他團員聽到，\_\_\_\_\_（請同學自行創作）。

Perfect Pitch：跟住係咩樂器呢？

### track 3

**【樂器音效出】**

冇錯喇，就係吹管樂器，然後係弦樂器……

- 朱同學 : 唔講真係冇留意，我從來都以為係鋼琴彈個音嚟開始調。
- Perfect Pitch : 有時都係㗎，如果演奏嘅曲目係鋼琴協奏曲，就會以鋼琴為基礎去調音。  
其實我聽到鋼琴有個高 C 音有好輕微走咗音。
- 黃同學 : 嘩，你咁都聽到？
- 陳同學 : 唔通你就係傳聞中嘅 Perfect Pitch 絕對音高？
- 朱同學 : 即係咩呀？
- 陳同學 : 聽講人口裡面只有極少數嘅人對音準天生敏銳，人哋走少少音佢哋都聽得出，我諗呢位大叔/姐姐就係傳聞中嘅 Perfect Pitch 喇！
- 朱和黃 : 失敬，果然係高手在民間！
- Perfect Pitch : 高手在台上，要開始表演喇，我哋都係坐好啲靜心欣賞啦。

track 3                      【樂器音效出，繼續調音】

~~~~~ 完 ~~~~~

廣播劇稿由莊梅岩創作

主辦：

協辦：

